

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Broj: T04 0 KT 0052642 23
Zenica, 10.12.2024. godine

KANTONALNOM SUDU U ZENICI
-Sudiji za prethodno saslušanje-
ZENICA

Na osnovu člana 45. stav 2. tačka i) i člana 241. stav 1. Zakona o krivičnom postupku F BiH, podižem
O P T U Ž N I C U

Protiv:

V. A., osuđivan presudom Kantonalnog suda u Zenici od 11.01.2023. godine zbog krivičnog djela iz člana 289. stav 2. KZ F BiH i krivičnog djela iz člana 287. stav 1. KZ F BiH, na kaznu zatvora u trajanju od 2 (dvije) godine i 10 (deset) mjeseci,

Što je:

dana 01.03.2022. godine oko 20,10 sati, u ulici A. u Kaknju, u namjeri da sebi pribavi protivpravnu imovinsku korist oduzimanjem tuđe pokretne stvari uz upotrebu opasnog oruđa, ušao u trgovacku radnju „D.“ vlasništvo K.S., gdje je uz prijetnju upotrebom noža od radnice te trgovinske radnje D.Dž. zatražio novac, kada se ona u strahu za vlastiti život povukla prema policama, on je otvorio ladicu i uzeo novac u iznosu od 100,00 KM, iako je bio svjestan da će ovakvim prijetnjama prema radnici koje se odnose na njen život omogućiti mu da uzme novac, što je i htio, nakon čega se udaljio iz trgovacke radnje u nepoznatom pravcu, oštetivši na taj način vlasnicu trgovacke radnje K.S. za iznos od 100,00 KM,

dakle, upotrebom opasnog oruđa prijetnjom da će izravno napasti na život i tijelo oduzeo tuđu pokretninu s ciljem da njenim prisvajanjem pribavi sebi protupravnu imovinsku korist, čime je počinio krivično djelo razbojništva iz člana 289. stav 2. u vezi sa stavom 1. KZ F BiH.